

Taarifa kwa Vyombo vya Habari

Imezuiliwa Oktoba 7, 2014

Wananchi waunga mkono ushirikiano wa Jumuiya ya Afrika Mashariki

Wengi wamependelea visa ya pekee ya utalii, uwezo wa kusafiri ndani ya kanda kwa kitambulisho cha taifa, miundombinu ya pamoja na uhuru wa kufanya kazi popote ndani ya Jumuiya.

Oktoba 7, 2014, Dar es Salaam: Wananchi wanane kati ya kumi (80%) wanafikiri kuwa Tanzania inapaswa kubakia ndani ya Jumuiya ya Afrika Mashariki (EAC). Aidha, wananchi tisa kati ya kumi (85%) wanakubali uwepo wa ushirikiano mkubwa zaidi na Kenya na Uganda. Wananchi sita kati ya kumi pia wanauunga mkono upanuzi wa ushirikiano na Rwanda (62%) pamoja na Burundi (59%).

Matokeo haya yalitolewa na Twaweza ikishirikiana na *Society for International Development (SID)* katika utafiti wenye jina la *Hima tujenge nyumba moja! Watanzania wana maoni gani kuhusu Jumuiya ya Afrika Mashariki*. Msingi wa muhtasari huu ni takwimu kutoka *Sauti za Wananchi*, utafiti wa kwanza wenye uwakilishi wa kitaifa barani Afrika unaofanywa kwa kutumia simu za mkononi uliohoji washiriki kutoka kaya mbali mbali Tanzania Bara. Takwimu zilikusanywa Agosti 2014.

Mbali na kuunga mkono ushirikiano huu wa Jumuiya ya Afrika Mashariki, wananchi kwa ujumla wanaamini athari zake zitakuwa chanya. Kipengele kilichoaminika kuliko vyote ni kile cha uchumi; wananchi mara mbili kwa wingi wanafikiri kuwa Jumuiya ya Afrika Mashariki itakuwa na athari chanya kiuchumi (42%), ikilinganishwa na wanaofikiri italeta athari hasi (20%). Vile vile, wananchi wengi wanafikiri Jumuiya ya Afrika Mashariki itakuwa na athari chanya badala ya hasi katika usalama (37% dhidi ya 20%), siasa (35% dhidi ya 25%) na utamaduni (33% dhidi ya 24%).

Kwa kipindi cha miaka miwili iliyopita, vichwa vya habari kuhusu ushirikiano huu viliweka msisitizo kwenye uundwaji wa kinacho julikana kama: "Umoja wa Hiari". Hili ni kundi la wanachama waliojiunga nakukubaliana kuongezwa kwa kasi ya mchakato wa ushirikiano. Ni mtu 1 tu kati ya watu 5 (20%) aliyewahi kusikia kuhusu Umoja huo na kati yao, asilimia 67% wanafikiri kuwa Tanzania inapaswa kuwa sehemu ya Umoja huu. Katika kundi la wale waliokuwa hawafahamu kuhusu Umoja huu, majibu yao yalikuwa yamegawanyika; 40% walipenda Tanzania ijiunge na 43% walipinga swala hilo.

Ingawa wananchi wanaonekana kwa kiasi kikubwa kuipendelea Jumuiya ya Afrika Mashariki na ushirikiano mkubwa zaidi kwa ngazi ya dhana; matokeo ya kuvutia zaidi yalijitokeza walipoulizwa kutoa mapendekezo mahususi. Msimamo wao ulikuwa dhahiri. Zaidi ya nusu ya wananchi wanakubali mapendekezo yafuatayo:

- Visa ya pekee ya utalii kwa kanda (82% wamekubali)
- Uwezo wa kusafiri katika kanda kwa kitambulisho cha taifa (82% wamekubali)
- Miradi ya pamoja ya miundombinu (78% wamekubali)
- Uhuru wa raia kufanya kazi popote ndani ya nchi wanachama (69% wamekubali)
- Pasi ya kusafiria moja (67% wamekubali)
- Biashara huru (bila kodi) (58% wamekubali)
- Sarafu moja (55% wamekubali)

Mapendekezo pekee ambayo hayakubaliwa kwa wingi (kishindo) ni kuundwa kwa jeshi la pamoja (64% wamekataa), uhuru wa kumiliki ardhi (70% wamekataa) na Serikali moja yenye Bunge moja la Jumuiya ya Afrika Mashariki (71% wamekataa).

Kwa kuangalia mustakabali, Watanzania wanayo matumaini kuwa Jumuiya ya Afrika Mashariki itakuwa ni sehemu muhimu ya maisha yao. Washiriki 4 kati ya 10 (42%) wanasesma kwamba Jumuiya ya Afrika Mashariki itakuwa imara na Tanzania itakuwa mwanachama muhimu. Hata hivyo, ni mtu 1 tu kati ya watu 10 (12%) anayefikiri kuwa biashara na Jumuiya ya Afrika Mashariki ni fursa muhimu kwa nchi yetu. Lengo kwa ajili ya baadaye ni ortalii na uchimbaji madini ambayo wananchi 6 kati ya 10 (57%) wanafikiri inatoa fursa muhimu zaidi kwa Tanzania ya siku zijazo.

Aidan Eyakuze, Mkurugenzi Mwandumizi wa *Society for International Development* alitoa maoni yafuatayo kuhusu utafiti huu: "*Matokeo haya yanatalazimisha tubadilishe mawazo yetu juu ya ushirikiano wa kikanda. Watanzania wanaunga mkono nchi ya Tanzania kushiriki katika Jumuiya ya Afrika Mashariki. Pia wametaja mapendekezo yao pamoja na matumaini yao juu ya maisha yetu ya baadaye ndani ya Jumuiya ya Afrika Mashariki. Maoni haya ni tofauti kabisa na simulizi za kuwa Watanzania wanapinga au ni waoga wa ushirikiano mkubwa wa kanda au kwamba wana wasiwasи kuhusu nchi fulani kupata faida kubwa kutokana na kufungua mipaka kwa ajili ya bidhaa, huduma za kazi au fedha.*"

Rakesh Rajani, Mkuu wa Twaweza, aliongeza: "*Wananchi wamenena, maoni yao yakionyesha dhahiri kauli moja: wanaunga mkono na wana matumaini kuhusu ushirikiano wa Jumuiya ya Afrika Mashariki. Kazi iliyopo kwa watunga sera wetu ni kuhakikisha kuwa tunaheshimu mahitaji haya na kuhakikisha kuwa Tanzania inashika nafasi thabiti ili kufaidika na fursa zitakazotokana na ushirikiano huu.*"

---- Mwisho ----

Kwa habari zaidi:

Risha Chande

Meneja Mawasiliano, Twaweza

e: rchande@twaweza.org | t: (255) (0) 656 657 559

Maelezo ya Wahariri

- Muhtasari huu na data zilizomo zinapatikana katika www.twaweza.org, au www.twaweza.org/sauti
- Twaweza ni asasi ya miaka kumi yenye kuzingatia raia katika mipango yake, ikiangaza kwenye mabadiliko mapana katika ngazi ya Afrika Mashariki. Twaweza inaamini kwamba mabadiliko ya kudumu yanahitaji kuanzia chini-kwenda juu, na inatafuta kujenga mazingira na kupanua fursa kwa njia ambayo mamilioni ya watu wanaweza kupata habari na kufanya mabadiliko pale walipo katika jamii zao, na kwa kufanya serikali kuwajibika.
- Unaweza kufuatilia kazi ya Twaweza kwa **Mtandao:** www.twaweza.org **Facebook:** Twaweza Tanzania **Twitter:** @Twaweza_NiSisi
- *Society for International Development* (SID) ni mtando wa kimataifa wa watu binafsi na mashirika ulioanzishwa mwaka 1957 ili kukuza haki za kijamii na kukuza ushiriki wa kidemokrasia katika mchakato wa maendeleo. Kwa kuititia mipango na shughuli zinazoendeshwa ndani ya nchi, SID inaimarisha uwezeshaji wa pamoja, kuwezesha mazungumzo na kushirikishana maarifa juu mikakati ya maendeleo yanayozingatia watu-kwanza, na kukuza mabadiliko ya sera kuelekea kwenye ushirikishi, uendelevu. SID ina matawi/vituo zaidi ya 30, wanachama 3,000 katika nchi zaidi ya 50. Makao yake makuu yako Roma, Italia, lakini shughuli zake nyingi zinafanyika kuititia ofisi zake za Nairobi, Kenya, na Dar-es-Salaam, Tanzania.
- Unaweza kuifuatilia zaidi Society for International Development (SID) kuititia:
Mtandao: www.sidint.net **Twitter:** @SIDEastAfrica
State of East Africa Reports: www.soear.sidint.net
Development Journals: www.sidint.net/development